

## פרק כד

א לְדוֹד מְזִמּוֹר לְד' הָאֲרֶץ וּמְלוֹאֵה תִבֵּל וַיִּשְׁבִּי בָהּ: ב פִּי  
הוּא עַל-יַמִּים יִסְדָּה וְעַל-נְהָרוֹת יִכּוֹנְנָה: ג מִי-יַעֲלֶה בְהַר ד'  
וּמִי-יִקּוּם בְּמִקּוּם קִדְשׁוֹ: ד נָקִי כַפַּיִם וּבֵר לֵבָב אֲשֶׁר  
לֹא-נִשְׂא לְשׂוֹא נַפְשִׁי וְלֹא נִשְׁבַּע לְמַרְמָה: ה יִשָּׂא בְרַכָּה  
מֵאֵת ד' וְצַדִּיקָה מֵאֱלֹקֵי יִשְׁעוֹ: ו זֶה דוֹר דִּרְשׁוֹ [דִּרְשׁוֹ]  
מִבְּקִשֵׁי פְּנִיךָ יַעֲקֹב סֵלָה: ז שְׂאוֹ שְׁעָרִים | רֵאשִׁיכֶם וְהַנְּשֹׂאוֹ  
פְּתַחֵי עוֹלָם וַיָּבֹא מֶלֶךְ הַכְּבוֹד: ח מִי זֶה מֶלֶךְ הַכְּבוֹד ד'  
עֲזוֹז וְגִבּוֹר ד' גִּבּוֹר מְלַחֲמָה: ט שְׂאוֹ שְׁעָרִים | רֵאשִׁיכֶם  
וּשְׂאוֹ פְּתַחֵי עוֹלָם וַיָּבֹא מֶלֶךְ הַכְּבוֹד: י מִי הוּא זֶה מֶלֶךְ  
הַכְּבוֹד ד' צַב-אוֹת הוּא מֶלֶךְ הַכְּבוֹד סֵלָה: